

夢

林

玄

解

夢林玄解卷之三十四

夢徵

飛走部

四靈羽族

百獸水族

六畜昆蟲

〇〇〇四靈類

〇玄龜啣符

三皇

帝伐蚩尤夢西王母遣道人披玄裘以符授之曰太乙在前天乙滿後河出符信戰即克矣帝寤以告風后力牧風后力牧曰此兵應也戰必勝牧與帝至盛水立壇祭以太牢有玄龜啣符置壇中而去帝佩之以征禽蚩尤

〇蒼龍據腹

西漢

漢虜魏王豹薄姬輸織室詔納後宮歲餘不得幸始姬少時與管夫人趙子兒相愛約曰先貴無相忘已而管夫人趙子兒先幸漢王坐河南宮成臯臺此兩美人相與笑薄姬初時約漢王聞之問其故兩人具以實告漢王心慘然憐薄姬是日召而幸之薄姬曰昨夜妾夢蒼龍據腹王曰此貴徵也吾爲汝遂成之一幸生男是爲代王其後薄姬從子之代高后崩大臣迎立代王是爲文帝

○口吐白鳳

西漢

楊雄作甘泉賦夢口吐白鳳

○龍頭授已

三國

孫壁幸潘夫人有娠夢有以龍頭授已以蔽膝受之遂生孫亮

○兩龍枕膝 西晉

李太后爲簡文宮人時數夢兩龍枕膝日月入懷意以爲吉祥向同儕說之帝聞而異焉竟生武帝

○乘龍至屋 西晉

王穆將害索嘏郭瑀諫不從與疾而歸旦夕祈死忽夢乘青龍至屋而止寤而嘆曰龍飛在天今止于屋屋之爲宇尸下至也龍飛至尸吾其死乎古之君子不卒於內寢於是還酒泉南山赤崖閣飲氣而卒

○白龍夾舫

宋

劉穆之初夢與宋高祖裕俱泛海忽值大風驚懼俯視船下見有二白龍夾舫既而至一山峰嶸聳秀林樹繁密意甚悅之後竟爲裕佐命元勛云。

○捉龍脚

齊

孫奉伯與蕭道成欵明帝遣奉伯往淮南道成與奉伯同室臥奉伯夢道成乘龍上天於下捉龍脚不得及覺叙夢因謂兗州必大庇生靈而弟不得與也時道成爲兗州故云後道成卽位奉伯先卒。

○龍據屋

齊

蕭贖之將產也。二母並夢龍。據屋故小字爲龍兒。卽世祖也。

○四夢龍祥

齊

漢太后孕文襄。夢一斷龍。孕文宣。夢大龍。首尾屬天地。張口動目。勢狀驚人。孕孝昭。夢蠕龍於地。孕武成。夢龍浴於海。

○靈鳳集身

梁

王曇逸母夢靈鳳集身。因有娠。又聞腹中有啼聲。僧寶誌曰。生子當爲神仙宗伯。

○龍出身中

隋

煬帝生時獨孤后夢龍出身中飛高十餘里墮地尾斷以告文帝帝默然

○鳳鳥集手

隋

有孫姓者夢鳳鳥集手上以問蕭吉吉曰不祥孫不悅未旬忽喪母往叩吉吉云鳳棲梧桐食竹實所以止君手上者手中有桐竹之象也苴杖竹削杖桐是以知必有重愛耳

○龍吐碁經

唐

翰林學士王績薪夢青龍吐碁經九部授之藝乃精

○金龍遶身

唐

晉劉暠未遇時爲岳節度幕軍。岳有女年及笄。未字。忽夢金龍遶身。及旦見一卒酣睡。鼻中有氣如龍。盤旋直逼己身。因異之。與私焉。後岳覺而譴之。女以實告。遂娶之。後果登九五。岳爲后。

○吞金龜

宋

劉贊夢吞金龜。文思大進。忽一日夢吐金龜。既寤不悅。未幾卒。

○贈龜一枚

宋

梅聖俞生男前一日。夢道士贈龜一枚。作詩曰。夜夢有人衣帔霓。水邊授我黃龜兒。明朝我婦忽在蓀。乃生男子實

秀眉

○龍降 宋

文天祥母將誕夢有龍降其家公遂生其所居之傍有潭成巨浸自公之生潭水日淺公長讀書吉水山中往來中途有客店一夕店主夢龍蛇爪於門外石上迨曉開戶見公脫屣於石少憩而去又公好與客奕水中客不能勝公鎮日怡然自若及公卒潭水復深夢龍之徵不誣也

○麟入室 宋

陳麟之母夢麟入室中自取門間蟲以餵之及生乃以麟名之字曰兆夢後爲閩縣尹民皆仰之稱爲循吏

○二龍繞闕

明

高皇夜夢內殿左右楹柱有黑白二龍繞之而闕左黑者勝明日偶見太孫與燕邸各抱一柱而嬉燕邸在左焉

○爭騎龍項

明

秦司徒紘山東單縣人母朱氏夜夢雷雨大作見二物蜿蜒攀窻內窺頭角如麟目光如電因而驚覺遂生公既長見書便愛有紙便寫無紙則畫沙爲字人頗奇之爲庠生嘗宿於本學帝君廟前槐樹下時將一更夢一官人衣冠秀偉與公藥水一碗祝之水面光浮星月飲之而覺自此

讀書日進。因領鄉解赴京。過德州時。天寒河凍。就在西峽
旅宿。夜夢河開。公入河取魚。見深淵一龍奮躍而起。公甚
恐。不得已。手攀龍角。身騎龍項。又見河邊一人。強來爭騎。
龍項公騎龍腰。龍就飛起。少刻。公在山頂高處立。其龍與
爭騎者。不知何往。既而會試三場畢。主考江侍郎欲定公
爲第一。因同事爭論。乃以吳滙爲詩經第一卷。公爲第二
卷。公稟性方剛。才兼文武。總制邊方。豈非一代偉人哉。

○龍頭一枚

明

計進士禮字汝和。江西浮涼縣人。鄉試畢。嘗夢以科目事
禱於龍王廟中。夢龍頭一枚。隨來其家。迨揭曉。果中解元。

將會試之夕。忽夢船滿河內。一船龍頭分明。計船在龍船之傍。再三欲過彼舟。竟不能上。遂寤。其年八月。會試榜出。計中第六十九名。其六十八名。乃龔膺也。

○○○百獸類

○白虎

虞

帝堯爲天子。夢白虎遺吾馬。啄子。其母曰扶始。升高丘。睹白虎。上有雲。感已。生皐陶。索扶始問之。如堯言。明于刑法。罪次終始。故立皐陶爲大理。

○黃熊入寢門

春秋

鄭子產聘於晉。晉侯有疾。韓宣子逆客私焉。曰。寡君寢疾。

於今三月矣。並走群望有加而無廖。今夢黃熊入其寢門。其何厲鬼也。對曰。以君之明。子爲大政。其何厲之有。昔堯殛鯀於羽山。化爲黃熊。以入於羽淵。實爲夏郊。三代祀之。晉爲盟主。或者其未祀矣乎。韓子祀夏郊。晉侯有間。賜子產莒之二方鼎。

○鹿跡日炙 西漢

魯宗範妻。凡許嫁數人。每至親迎之夕。其夫輒死。一夕夢人謂曰。田頭有鹿跡。田尾有日炙。乃汝夫也。後嫁。乃悟其夢。

○大象 蜀漢

張茂夢大象。解者曰：象者獸也。獸者守也。君當爲守。然不能善終。象有齒焚身。皆如其言。

○狼啖一脚

西晉

郡功曹張邈奉使詣州。夜夢狼啖一脚。純曰：脚肉被啖。爲却字。會東虜反。遂不行。

○五色獸逼衣

齊

王宗侃妻有娠。夢周公山神牽五色獸逼其衣。遂生承學。後節制揚州。入洛爲行軍司馬。

○騎獅子

隋

王敬則嘗夢騎五色獅子。後貴達。

○白虎齧指

北魏

張弘士夢白虎齧其指寤而惡之後至野遇白物驚還覺指痛不久而弘士死

○群鹿渡水

唐

賊將史思明僭稱大號在永寧時以泥城未畢怒其孽子朝義云待收屯州斬却此賊朝義大懼乃與其將駱悅謀圖思明一夕思明夢而驚寤於牀惘悵左右問其故曰吾夢見水中沙上群鹿渡水而至鹿死水乾言畢如廁其伶人相謂曰鹿者祿也水者命也胡祿命盡矣已而駱悅入問思明所在衆指在廁思明覺變踰垣入廐取騎出奔悅

令周子俊射中其臂落馬擒赴柳泉驛縊殺之。

○虎齧傷死 唐

晉陽縣有人殺其妾妾將死言曰吾無罪爲汝所殺必報後數年殺妾者夜半起至母寢呼其母母問故其人曰適夢爲虎所齧傷甚遂死覺而心驚悸甚故特啓之母曰人言夢死者反生夢想顛倒故也汝何憂然汝夜來未飯牛亟飯之乃往飯牛聞中見物似牛之狀乃前執之不知其虎也遂爲所噬其人號叫竟死則人以虎爲所殺之妾也

○虎行月中 宋

滕元發母夢虎行月中墮其室遂生元發舉進士授大理

評事召試爲集賢較理以直道策名于英神哲三朝

○袖障叱虎

宋

蘇長公知揚州一夕夢在山林間忽有一虎來噬已方驚怖有一紫袍黃冠者以袖障之叱虎使去及旦有道士投謁曰昨夜畏否公知其習術遂叱之曰鼠子敢爾欲杖其脊道士慚懼而去

○殺猴

宋

南野人伍寺之見社樹上有猴懷孕便登樹擺殺之夢一人稱神責以殺猴之罪當令重謫不半年寺之病作醫不能療遂卒

○昇一巨狼

明

夏忠靖公元吉字維詰胡廣湘陰人其母將誕之夕夢數人昇一巨狼來家遂寤俄而生公自少穎異不凡洪武庚午以詩經選鄉貢入太學累官至太保戶部尚書贈太師公文章德量異於人一時諸公鮮有能及之者人謂奎木狼神宿之下降云

○綠毛虎

明

金宗伯純字尚素營州中屯衛人夜夢一綠毛鉅虎目光如炬爪牙悍猛可畏伏于前公驚呼起坐良久方能言乃欬欬笑不休侍人問所以具道其事自謂平生無他夢

為者哉。明日定襄伯郭公拜公館下求卒業而服色與所夢略同。公異之。後郭公自舍人以武功歷陞至前職。掛征西將軍印。節制大同諸軍事。抱負文武長材。忠義凜凜。真所謂王命召虎。式辟四方者也。其見於夢。不亦異哉。

○二鹿一羊

明

金御史章字相用。雲南中衛人。赴京會試。道經湖廣常德府。忽夜夢二鹿。一小一大。後有一羊隨之。及至京。與同鄉舉人陳俊同一旅邸。一夕陳之從者夢放春榜。見金名列一百八十一名。陳下第。迨揭曉。金果中一百八十名。惟差一名耳。陳中副榜。始悟先夢二鹿。乃鄉省禮闈二錄。羊乙

未流年所肖也。

○虎躍入其家

明

鄭揮使懷玉有女幼讀書頗諳象緯之學居嘗自負不肯許凡子必得名公鉅卿者乃行是年己三十六矣。成化丁未正月上元之夕忽夢天門洞開紅光閃爍俄有一虎躍入其家遂驚寤而起未幾魏國徐公適喪其偶乃遣媒妁爲續絃之聘焉。

○白象

明

金齒人周玉爲人淳朴至老不識衡量嘗夢白象詰旦而生子奕中嘉靖戊子鄉試知灌縣縣瘠土又當咸茂二邊

餽道奕食不兼味以廉靖聞。

○二鹿擾庭

明

甲子秋予兄弟應試南都予夢二鹿馴擾於庭但大小不
倫放榜後予與季弟燕翼與焉說者以爲鹿宴鹿鳴也大
小不倫季弟時方弱冠與予年齒不倫也後季弟不幸短
命然則鹿之小者抑豈其祿命之不永耶

張鳳翼記

○○○六畜類

○兩黑犬

戰國

吳王夫差夢兩黑犬。嗥以南。嗥以北。公孫聖曰。黑者陰也。
北者匿也。

○五三籍 夢目

西施母有夢，夢五色鷄自天而下，化爲鵲，飛去。遂產女，是爲西施。

○逐羊拔角尾 百漢

高祖皇帝始爲亭長時，夢逐一羊，拔角尾，皆落。蒯青曰：羊去角尾，乃王也。及送徒咸陽，觀警蹕，嘆曰：大丈夫當如是。

○豬嘴足 三國

漢前將軍雲長關公，出軍圍樊，夢豬嚙其足。語子平曰：今年衰矣，然不得還，果爲吳人所襲。

○牛頭在門 三國

蔣琬見推之後，夜夢有一牛頭在門前，流血滂沱，意甚惡之。呼問占夢趙直，直曰：夫見血者，事分明也。牛角及鼻，公字之象，君位必當至公，大吉之徵也。後果驗云。

○三馬同槽 三國

曹操聞司馬懿有狼顧相，又嘗夢三馬同食一槽，甚惡焉。因謂丕曰：司馬懿非人臣也，必預汝家事。後與師昭相次當國，竟遷魏鼎云。

○白犬啗之 東晉

王敦舉兵犯順，病作，夢白犬自天而下，啗之。覺後病轉劇，乃以身後囑錢鳳，俄而敦死。

○乘白馬入梨山

東晉

建安人夢李固乘白馬入梨山。及回凶問至。因立祠于梨山。世傳感應。

○行見白雞

東晉

謝安還都。夢乘桓溫與行十六里。見一白雞而止。因謂所親曰。乘溫與者。代其位也。十六里者。今十六年矣。白雞主酉。今太歲在酉。吾病殆不起乎。乃遜位尋薨。

○斷馬足

晉書

牽騰以咸和三年。爲沛郡太守。出行不節。夢烏衣人告云。何數出不輟。唯當斷馬足。騰後出行。馬足自斷。

○乘馬飛半天

梁

崔慧景之逼長沙宣武王入援至越城夢乘馬飛半天而墜而梁武所馭化爲赤龍騰虛獨上。

○犬羊御座

梁

朱耽直禁省夢犬羊各一在御座覺而惡之告人曰犬羊非佳物也今據御座將有變乎既而天子蒙塵侯景登正殿焉。

○騎馬登山

隋

帝嘗夢騎馬登山路危欲墜陳子高推捧而升後討張彪彪夜襲城帝出走子高目亂兵中慰勞散兵因導帝入徐

文育營。彪遂降。似夢驗云。

○妾爲豬傷

唐

江都民有一妾。夢其夫率勇士數十人。江捕魚。得巨豬數十而出。其妾爲一猪所傷。及建陽軍作亂。入江都。妾夫爲鄉保。率鄉兵擊賊營。擒賊百餘人。其爲首姓諸。其妾果爲逃賊所砍。折其臂。民乃與妾俱辭功而隱焉。

○繫二黑犬

宋

徐元杰。嘗夢神人繫二黑犬過堂下。授之。是歲登科。有默思默通云者。主司見之。以爲神語。乃悟默字有黑犬重複用之。二黑犬之徵也。

○擁一羊遺之 宋

宋太祖六世孫秀王偁夫人張氏夢人擁一羊遺之。已而有娠。生伯琮于秀州。及元懿太子薨。高宗未有後。昭慈聖獻皇后語以異夢。高宗曰。太祖以神武定天下。子孫不得享。朕若不法仁宗爲天下計。何以慰在天之靈。于是以選育宮中。後立爲皇太子。更名昀。卽帝位。是爲孝宗。

○獨角青牛 宋

阮登炳夢毛自知乘獨角青牛。以火照交于身上。因自解曰。青牛。年庚也。火照交身上。乃登炳之義。花甲告周。將代毛自知矣。蓋毛自知乃前乙丑狀元也。後乙丑果狀元及

第

○馬載一兒元

劉因字夢吉。將生之夕。父夢神人馬載一兒至其家。曰。善養之。既覺而生。乃名曰駟。字夢驥。後改名及字。生而天資絕人。六歲能屬詩。十歲能屬文。家甚貧。非其義一介不取。至元十九年。詔以右贊善大夫徵。未幾辭歸。後又以集賢學士徵。回辭不就。學者稱爲靜脩先生。此亦奇夢之徵也。

○牽馬過前明

林翰林謫字尚默。福之閩縣人。鄉試會試俱中首選。壬辰科。銳意欲魁天下。先廷試之夕。夢人牽馬一匹過前。寤而

自占曰。牽馬在前。予祿至矣。既而傳臚。狀元乃馬鐸。公居第二。蓋馬在前也。

○白牛至室

明

王宗伯華。字德輝。浙之餘姚人。爲舉子時。嘗館于鄉間巨族。忽夜夢。迎一白牛。至於其室。前有儀蓋引導。後有布政杜公隨焉。既寤而占之。意謂雙親垂老在堂。命皆牛屬。今夢白者。恐其不利於親乎。有一識者曰。此夢大吉。按禮記牛爲一元大武。子平書。辛金屬白。公遇辛年。必作狀元。非止中進士而已。迨成化十七年。辛丑科。果狀元及第。時杜公陞爲順天府府尹。以儀蓋送歸第。其兆之見于夢者。毫

髮不爽

○大猪

明

徐御史宗四川營昌人初赴鄉試道經浙之換鵝驛驛丞夜夢人報云接御史俄而出止見一大猪扛來覺後有三舉人至驛官具道前夢其二人曰徐君本命巳亥也亥肖猪所夢接御史後接得猪者卽徐君之兆也是秋徐果與鄉薦連登甲戌進士擢南臺御史

○○○羽族類

○瓦墜化鴛鴦

魏

文帝問周宣曰吾夢殿屋兩瓦墜地化爲鴛鴦此何謂也

宣曰。後宮當有惡死者。帝曰。吾詐卿耳。對曰。夫夢者。意取苟以形言。便占吉凶。言未畢。而黃門令奏宮人相殺。

○五色鳥 西晉

羅會夢吞五色鳥。自後文章顯著。

○大鳥止庭 西晉

張薦祖。爲兒時夢紫翅大鳥止其庭。大父曰。吾聞五色赤文鳳也。今紫文鸞鷟也。若殆以文章瑞朝廷乎。薦後果以文名。時號青錢學士。

○鸚鵡拆兩翼 唐

武后夢鸚鵡拆兩翼。仁傑曰。鸚者。陛下姓也。兩翼者。陛下

子也。拆翼者，是無輔翼也。乃召帝房州。

○九鶴集庭

唐

張九齡母夢九鶴自天而下，飛集一庭，遂生九齡。爲唐賢相。

○孔雀啣牡丹

宋

賈雲華爲賈平章女，其母刑國夫人莫氏夢孔雀啣牡丹，寔寔于懷中而去，覺而生華。聰慧異常，姿色絕人，後嫁爲魏鵬妻。

○大鳥止所居

元

蕭克翁隱居不仕，學行爲州里所推。嘗夢大鳥止其所居。

夢林燕解

卷三十四

羽族

其

翼覆軒外。舉家驚異。出戶視之。冲天而去。明日魯思溫自順陽來從學。克翁爲易其名曰翀。而字之曰子翬。子翬竟以文學政事知名。官至翰林侍講學士。贈行省叅知政事。封郡公。謚文靖。

○○○水族類

○蛟人懷

西漢

董仲舒夢蛟入懷。遂作春秋繁露。

○魚喙嚙兒臆

唐

河東柳沂僑居洛陽。因乘春釣伊水。得巨魚。挈歸。置盆水中。先是沂有嬰兒。始六七歲。是夕。沂夢魚以喙嚙嬰兒臆。

沂驚寤兒亦自言夢大魚嚙臆痛不可忍而啼沂祝兒臆果有瘡血沂懼明旦以魚投伊水中旬餘兒瘡愈沂自後不復釣

○大魚躍盆水

宋

胡安國弟生子寅母多男不欲舉安國妻夢大魚躍盆水中急取而子之後中進士甲科以薦除秘書省校書郎多所建白竟爲名臣云

○母欲食魚

元

胡光遠母喪廬墓一夕夢母欲食魚晨起求魚以祭見生魚五尾列墓前俱有嚙痕鄰里驚異方共聚觀有獺出草

中。浮水去。衆知獺所獻。以孝感聞於官。表其閭。

○○○昆蟲類

○爲蝴蝶

戰國

莊周夢爲蝴蝶。栩栩然不知周也。俄然覺。則遽遽然周也。不知周之夢爲蝴蝶。蝴蝶之夢爲周。周與蝴蝶。必有分矣。是謂物化。

○飛蟲着身

東漢

明德馬皇后爲貴人時。嘗夢有小飛蟲無數。赴着身。又入皮膚中。而後出。居數日。有司奏立長秋宮。帝未有所言。皇太后曰。馬貴人德冠後宮。卽其人也。遂立爲皇后。

○蛇生四足

魏

東平劉楨夢蛇生四足穴居門中使宣占之宣曰此爲國夢非君家事也當殺女子而作賊者頃之女賊鄭姜遂皆討平以蛇女子之祥足非蛇之所宜故也

○蠅集鼻上

東晉

何晏問管輅曰余夢青蠅數十集鼻上輅曰鼻如天中之上蠅臭惡之物而集其上位峻者顛也

○蛇遶身

東晉

唐琮夢蛇遶身遂效其形作草蛇之書

○鼠入衣下

齊

婁太后孕襄城博陵二王夢鼠入衣下孕魏二后夢月入懷

○蜂叢刺項

唐

鄧景山爲河東節度使忽夢群蜂數斛大者如蟬繞已數匝撲之不去恐極呼左右無一應者而蜂叢刺其項驚覺心甚惡之以語占者占者曰蜂繞握髯髯也刺項得衆心也必吉退而謂人曰鄧君其不免將有亂兵之難矣未幾將士作亂果爲所殺蓋群蜂乃兵象而刺項乃取首之兆也

○黃鼠狼過江

唐

寶曆士人黃登同數人在吉州廬山廟祈夢。登一夢。皆熟睡。少頃皆魘。咸呼曰打打。問之。云夢黃鼠狼過江也。登乃子生。姓又合。私自喜。是年得第。

○蛇入腹半

唐

范延光夢大蛇自臍入腹。半入而掣去之。以問術士。術士曰。蛇龍類也。龍入腹中。王者之兆。自是光頗蓄異志。後爲楊光遠所讎。推墮水溺死。

○群蛇蟠繞

明

方孝孺字正學。浙之天台人。其母未誕前。夢群蛇蟠繞八腹。後數日。公生。自幼聰悟異常。後膺聘起爲翰林供奉。歷

官學士。太宗文皇帝過江之日。初卽位。欲詔天下。問姚廣孝舉代草者。曰。必須方孝孺。召之數次不來。以勢逼之。不得已。公持斬義而行。見上。卽命草詔。乃舉聲大哭曰。將何爲辭。勅左右禁其哭。授以筆。卽投之地曰。有死而已。詔不可艸。上大怒。以凌遲之刑。刑之。遂夷其族。公受業於宋景濂。其文章滂沛。議論波瀾。類東坡之材。而忠義之氣凜然。景濂不及也。蓋道統之傳。有自云。

○以罪爲蛇明

無錫張氏女死。其母夢文曰。我以罪爲蛇。旣寤。得蛇于棺下。以告高僧宗本。本爲說法。復置故處。俄有飛蟬翔棺上。

蛇失所在。母祝曰：若我女當入籠中。蟬如其祝。本復爲說。法是夕。母夢女曰：報已解脫矣。

珍玩部

金銀

珠玉

錢寶

○○○金銀類

○先用一錠

西漢

趙雄微時最貧。母在無以卒歲。夫婦對泣。次日掃除。拾銀一錠。重二十五兩。繇此稍活。後入相例。賜白銀百錠。旣受而缺一錠。將以詰守藏吏。夜夢左藏庫神告曰：某年月日。相公已先用銀一錠。覺而憶想。正掃除得銀之日也。

○赤黃物如金

唐

李虛中爲殿中侍御史。元和八年五月。疽發背卒。將疾謂其友衛中行韓退之曰。吾夢大山出赤黃物如金。二人曰。是所謂大還者。今三矣。虛中沒。退之追占其夢曰。山者艮。艮爲背裂。而流赤黃。疽象也。大還者。大歸也。神已告之矣。

○○○珠玉類

○玉盤碗帶

西晉

晉帝夢一玉盤中有玉碗一。玉帶一。皆有碾文。光瑩可愛。寤以問群臣。李儀慎以爲王者帝王之寶也。帶有誓功之兆。盤盂乃守器之象。實爲吉夢。

○吞珠

宋

樂史字子正母夢吞五色珠而生及長有文辭舉進士知
陵州

○記得還珠否元

李郡君有賢德嘗有貨珠子老媪李氏遺珠在地郡君收
之後媪踰時始至形容枯瘦郡君詰之曰向所貨珠子歸
而失之告其主償金十兩主不許因而成疾郡君曰珠子
在此媪驚喜泣下願致金六兩以請郡君却金不受取而
還之忽微疾夢至一大官府見二偉人坐堂上問記得還
李媪珠子事否郡君日記之其一偉人曰當增二十年壽
遂驚寤而起後二十年乃卒

○○○錢寶類

○磨錢魏

文帝問宣曰。吾夢磨錢。欲令文減而更愈明。此何謂耶。宣
悵然不對。帝重問之。對曰。此自陛下家事。雖意欲爾。而太
后不聽。是以文欲減而明耳。時帝欲治弟植之罪。逼於太
后。但加貶辭。以宣爲中郎。

○水府至寶唐

任中宣。長安人家。素蓄寶鏡。謂之飛精。識者謂是三代物。
詢所得。云商山樵者石下得之。後中宣南駕洞庭。風浪洶
然。因泊舟。夜夢一道士。赤衣乘龍。詣中宣言。此鏡乃水府

至寶出世有期。今當歸我。遂持鏡去。夢迴。亟視篋中。已失所在。

○授以重寶

明

建文帝在東宮。夢神人致上帝命。授以重寶。及卽位。使者還自西方。得青玉於雪山。方踰二尺。質班溫栗。二年春正月。帝郊祀宿齋宮。夕夢玉有光。乃驚寤。命玉人琢爲大璽。十二月工成。名凝命神寶。

文翰部

書籍

經卷

詩詞

字畫

○○○書籍類

○易有太極

王勃嘗讀易夜夢若有告者曰易有太極子勉思之寤而作易發揮數篇。

○文選一部 宋

宋祁字子京父玘夢人遺文選一部而生公故小字選郎後拜翰林。

○經卷類

○念金剛經 隋

杜之亮爲諒府參軍諒敗亦繫獄日夜惶懼涕泣忽夢一僧曰汝但念金剛經厄可脫也曉取經專誠念之及就戮唱名無亮旣行刑主者受罰俄而赦免後爲黃州刺史

○歸誦法華

唐

并州石壁寺有一老僧。禪誦爲業。精進練行。有鵲巢其房楹上。哺養二雛。法師每有餘食。恒就巢哺之。鵲雛後雖漸長。羽翼未成。因學飛。俱墜地死。僧收瘞之。經旬後。僧夢二小兒曰。某等爲先有小罪。遂受鵲身。比來日聞法師誦法華。得受人身。兒等今於此寺側十餘里。某村某家。託生爲男。僧乃依期視之。見此家果育二子。因爲作滿月。僧呼爲鵲兒。並應之曰唯。

○○詩詞類

○遺大硯

唐

錢儼少夢人遺以大硯。自是樂爲文辭。頗敏速。富贍當時國中詞翰。多出其手。後歸宋。亦多述作云。

○梅花詩

明

于肅愍謝嘗于景泰四年正月十九日夢中作梅花詩云。水邊籬下兩三枝。冷艷寒香祇自知。看盡春風齊結子。調羹還有情人時。

○字畫類

○濮字方丈餘

宋

安守忠嘗夢一濮字。方丈餘。及仕歷漢州刺史。改濮州。又拜濮州團練使。凡領濮郡二十年。

○寫一奇字 宋

楊祿女幼夢堂有大匾寫一奇字驚寤言于父母至年二十一時趙時寄登第方二十二未娶來議婚父母以名應兆遂許之

名數部 名姓 前定

○○名姓類

○改名畢 唐

杜牧嘗夢人告曰爾改名畢牧以爲不祥其年果卒

○金書姓名 唐

丞相李珣節制淮南一夕夢入洞府見石壁填金書姓名

內有李珏字方自喜有二仙童云此乃江陽部民李珏耳。既寤詢之民間果有廣陵人李珏年近百歲究其生平所爲以販穀爲業每斗惟求利兩文有糴糴者卽授以升斗。俾自量之意以此得果報云。

韓趙二姓

明

宋宏雲南士人也。忽夢科場揭曉官司擁傘蓋鼓樂東西列二黃旗大書韓趙二姓字翌日趙璧偕胡賓輩過宋學館宋具以告趙曰請筆之以俟驗否後秋榜出果韓昂第一趙璧第二及迎赴宴鹿鳴韓左趙右首列于前果符夢中所見云。

○名朱汚明

顧太守禎夢其弟福中榜名上朱汚。以語福。及福自觀榜。名乃在糊縫鉗印處。爲朱濺焉。後福官至叅政。

○○○前定類

○歲在辰巳西漢

鄭玄夢孔子告之曰。起起。今年歲在辰。明年歲在巳。玄知命當終也。懺云。歲在龍蛇。賢人嗟。

○二十五年北魏

武帝爲汝陽縣公。時夢人呼其名曰汝。當大貴。得二十五年。及高歡迎立後。西依宇文泰。遇醜而崩。年二十五。果符。

夢云

○中在一百七

明

虞都憲瑤字邦瓊浙之晉縣人會試畢夢行至一橋遇其鄉友報云尊兄中在一百七名隨又夢見其僕看榜回報云官人中在一百七十名迨揭曉果如僕所云公又夢禮部侍郎俞公欽送與登科錄一冊曰公在我後迨傳臚公名在五十二果後俞公一名

夢徵

終

新附

皇明鼎元夢攷

丁狀元姓兆動主

諱顯洪武十八年乙丑廷試第一先廷試一日高皇帝夢殿前一巨釘綴白絲數縷悠揚日下及拆首卷乃花綵上以年少柳之已而得下頭卷姓名與夢符且顯字日下雙絲也遂擢狀元

張狀元字義預徵

諱侑字義南浙江定海人洪武二十七年甲戌廷試第一領鄉薦赴京夢以竹片反押青犬頭置瓦上解者曰竹片五押青犬乃狀字意瓦上湊元字況富甲戌必魁天下果如其言

林狀元文淵示兆

諱項字崇聖福建莆田人永樂四年丙戌廷試第一環將試春閉夢友李文淵送大肉一片環等一臂受

夢林玄解

卷三十四

三

徵

之堦片大乃狀字等一臂類元字後官文淵閣學士始悟李文淵乃先兆也又往九仙觀卜兆路遇道士云為代占夢赤犬化為龍明年應作狀元也乃就說之詞及赴試適符給語云

商狀元三首應薦

諱銘字弘毅號素菴浙江淳安人正統十年乙丑廷試第一鞫審與其師洪士直同宿學舍中輟夢有提人首三顆授之覺而語洪洪曰吉夢也後三元應之

彭狀元鼎魁占岳

諱暉字純道號可齋江西安福人正統十五年戊辰廷試第一

公自記云丁卯冬湖廣永寧縣官在途夢聞黃榜第一名彭暉監生其官至京吉于永濟生張樹木端木訪知予姓名賦詩予聞之答曰夢中事何足信又一人夢岳正曰吾昨夜夢兄題多士可賀正曰若夢可信則已有人夢彭詩作題何必我其人戲曰明年會試廷試可而題彭詩其一可也後果然廷試前一

月... 三人來見至揭曉狀元彭時由儒
... 年出皮皆形
... 然哉

狀元羊頭首席

許淵字孟時號竹巖福建莆田人景泰二年辛未廷
試第一... 羊頭... 於前果
以辛未狀元符羊頭之兆

孫狀元老人書姓

許賢字元卿河南杞縣人景泰五年甲戌廷試第一
正統丁卯鄉薦兩試春官皆下第辛未靖之官于京
城陞... 老人謂曰此崑崙山也驚竊取焉
... 席舍相近來憲靖之因為開陳義意詩述註
... 登第名第七梓文一篇靖之竟下第後許甲
... 亦第七梓文一篇其年狀元乃孫賢

也。母氏之夢至是始驗。蓋已八年矣。惟織皮之夢。驗而虎若為揚。設者然。第之名第。第實一與南同。鬼牌之示人。顯而隱如此。○本第之先。夢金甲神人。持黃旗。揮其門。有狀元二字。至廷試。果首擢。又赴會試。送中投客店。主人具飲食。致敬于孫。孫疑其家有他會。問之。主人云。昨夜夢狀元至我家。今日必應此耳。是什下第。歸來科果應。

羅狀元文正贈詩

諱倫字正。號一峰。江西永豐人。成化二年丙戌廷試第一。倫赴試時。有一水手。夢中神語之曰。明日附舟乃羅狀元也。明日果有秀士來附舟。詢其姓。則是象。皆驚訝。○倫赴春闈。近落。出為文。謁范文正公祠。是夕。舟中夢文正遺之詩曰。賜帶橫腰重。宮花壓帽斜。勸君少飲酒。不久臥烟霞。

張狀元仙姑訪

諱昇字啓昭。號伯崖。江西南城人。成化壬午己丑。廷試第一。公父同起京。合試。而返小姑山下。天色已暮。

因泊舟父夢山上數女良執絳紗燈擁仙姑而下因問之曰仙姑何往曰張昇狀元舟在此往訪之覺而呼昇語其事是科廷試果首選

吳狀元龍櫻巾幘

諱寬字原博號飽菴直隸長洲人成化八年壬辰廷試第一人言吳文定及第素無夢兆惟揭榜前三日吳香滿室耳公嘗爲子言會試之前夢過國學適陰雲四合大雷電欲雨龍下攫其巾併其身而上遂驚寤焉

曾狀元袖中龍筆

諱彥字士美江西泰和人成化十四年戊戌廷試第一彥爲諸生時夢被人懸其髮于明倫堂大梁上平生自負甚重每以大魁自期然見黜于有司者七舉矣既而歲貢南雍始中鄉試又連屈禮闈年逾知命始中大魁先後幾三十年矣彥每試輒夢袖中龍頭筆一枝手取之則筆入內弗得至成化戊戌夢取此

筆出之文彩焜耀儼一龍在手果狀元及第

費狀元魁報生前

諱宏字子充號健齋江西鉛山人成化二十三年丁未廷試第一寧遠劉良中丙子鄉試十赴春闈不利凡試必徧訪舉人姓費名宏者久不得丁未聞有鉛山費宏至其邸飲酒沾醉撫掌大笑曰今科狀元必予吾三十年前夢神告曰汝登進士費宏作狀元累付覓子不見今得之逮廷試宏果首選良中三甲良夢時宏猶未生鄉試時考官閱卷恍惚夢總角童子謂此少年狀元也遂以其卷置高等及赴鹿鳴儼如夢中之貌

錢狀元神求避地

諱福字與謙號鶴齋直隸華亭人弘治三年庚戌廷試第一公初時病劇父夢人語曰爾子吳寬也時吳文定尚家食後連舉有殿二元與文定相符初赴試入京寓於民家其室中有神像神夜托夢于其主求

地曰有狀元在
吾不能安逸也

顧狀元移桂文康

諱鼎臣字九和號未齋崑山人。弘治十八年乙丑廷試第一。父恂餘五十而生鼎臣。既壯每夜焚香表祈父壽願以已壽益親一夕夢黃鶴從天飛來近視之即所焚表也。後一大院宇未有碑批字數行未云自此以後聞田單火牛通行無滯蓋乙丑之兆也。父年八十反見其子登狀元。父嘗夢鼎臣為狀元初欲以名其孫潛不果乃命其少子果然又夢入鄭文康家移其佳歸植之已而鼎臣生後謚文康與鄭名全蓋七十年餘夢始驗也。

宋有御狀元涇名臣也其祠在邑中初鼎臣入邑庠交夢一人紫袍象簡稱衛衛姓携狀元及第篆文圖書記之每過其祠虔誠謁拜一日忽聞偏生人城假宿於祠中似問神語云明日有狀元顧鼎臣來係生謂席中無此人早起俟何人至忽見諸生顧同入語以此事顧曰吾正將易此名耳

呂狀元新豐兆貴

諱柳字仲木號選野陝西高陵人正德三年戊辰廷試第一年十四應試臨潼竟不能就館宿新豐空舍夜夢老人自驤山下謂曰爾勉學後當魁天下

唐狀元才夢雙符

諱舉字守之號心苑直隸歙縣人正德九年甲戌廷試第一彭司馬澤知徽郡移學宮而新之夜夢神語云明日相見秀才乃狀元也至明日有隨衆進獻上梁文者詢覽之大喜稱狀元才乃舉也未第時每夢面前列瓜鍾一對及廷試後有報其中探花者曰不止此也既而報爲榜眼亦曰不止此也及臚傳果第一有語其故乃以夢告蓋傳臚後黃蓋瓜鍾送歸第者狀元也故舉自信如此

舒狀元仙翁示異

諱菊字曰裳號梓溪江西進賢人正德十二年丁丑廷試第一

閩人劉世揚。會試入京。夢神告之曰。今年狀元名國
策。世揚卽以國策易之。劉是科登進士。而狀元歸。其
字則國策也。事有定數。惟鬼神能知之。芥未第時。
至九鯉湖。祈夢。五夜無夢。因題詩云。千里尋真意不
虔。五宵無夢竟無緣。神仙不識人間事。歸去揮毫作
狀元。到山下。遇一老人。問公何夢。公告之故。且述其
詩。老人爲改云。千里尋真未是虔。五宵無夢豈無緣。
神仙不洩人間事。歸去揮毫作狀元。因忽不見。蓋仙
化爲老人。以告公也。

楊狀元辛巳牌坊

諱繼聰。字達甫。號方城。順天固安人。正德十六年辛
巳。廷試第一。公在京。夢崇文坊迎金字辛巳狀元牌
來。叩之。何往。曰。送與固安楊秀才。覺而自喜。
但疑是歲非試期。既而已卯。庚辰鄉會連捷。

龔狀元龍神書額

諱用卿。字鳴治。福建懷安人。嘉靖五年丙戌。廷試第
一。公臨試時。嘗夢龍神爲狀元於額上。果中狀頭。

沈狀元餌藥生香

諱坤字伯載號十洲直隸太湖人嘉靖辛丑廷試第一嘗夢仙以藥丸食之醒若胸中有物而一室異香

秦狀元馳馬天門

諱鳴雷字子藻號華峰嘉靖二十三年甲辰廷試第一公年十四時就傳一寺中通有召箕者箕忽自運作字云門外有甲辰狀元秦鳴雷可請至時鳴雷方自宋步至館其徑飛至寺門外拒其衣袖而入此後常夢騎馬上天門

唐狀元庭梅隱字

諱汝柳字思濟號小溪蘭谿人嘉靖二十九年庚戌廷試第一戊申歲汝柳夢一梅樹生于庭前花媚靚繁華字隱隱見于瓣中曰明歲相逢雞水的明年爲己酉汝柳已豫卜矣

陳狀元雲霄蓮座

諱謫字德言號環江福建閩縣人嘉靖三十二年癸丑廷試第一諱嘗夢蓮花二朵甚大自空中而墜于庭有仙童女隨蓮花而下謂謫曰何不登蓮花之上如其言蓮花冉冉而升漸入雲端心甚恐俄有神人持金冠綈袍與之服豈非連升大魁之兆乎

諸狀元背抵冠裳

諱大綬字端甫號南明浙江山陰人嘉靖三十五年丙辰廷試第一初大綬兄大綱夢見大墳一區須臾墳裂一硃紅棺露焉須臾有衣冠珮玉者自棺中出揖其兄使入其兄難之忽大綬至與冠裳者抗以其背抵冠裳者之背使復入不解所以既而待闈天鄉淵言此夢聞曰此地惟吾知之乃宋狀元山陰王佐所葬也言其狀元乎其背相抵前輩後輩之謂也果如所言

丁狀元仙女奏樂

諱士美。字邦彥。號後溪。直隸清河人。嘉靖三十八年。已未。廷試第一。未第時。夢已坐于堂。空中有仙女一羣。乘鶴翩然而下。人皆作樂。仙音縹緲。繚繞前後。久之。復乘鶴而上。須臾有黃旗二扇。暨于門焉。

徐狀元紅日照帷

諱時行。字汝默。號璉。嘉靖四十二年壬戌。廷試第一。將誕之夜。父夢神人與桂花一枝。醒而焚香。母夢紅日照入帷間。血射其體。生而膚如玉雪。四齡出痘。醫指腰間一大痘。挑之。血流紫色。曰。此子必登高科。與狀元有公痘五株類之。至己未冬月。夜半。艾剗山巖。端有聲如雷。居人詰朝視之。有石僅丈。自山腹移下。十餘丈。復轉而東。所過小石。裂一縫。如虎丘。試劍石之狀。歲者謂來科狀元兆也。吳中傳。云。雲石移。狀元來歸。辛酉。公夢行通衢。得明珠一顆。心甚異之。入室。一室光明。意此龍領下寶也。必行。龍果至。身首向室內。又意此珠不可輕也。乃繞行。云。臣特行。龍身。而獻之。龍得珠而還。印焉。七十。督學公約試。於句容。委高淳令編卷。令寓崇明寺。公亦寓此。吏夜。見光有四。吏未寐。忽見火光起。其中一大星。星自外。

范狀元機坊中人

人吏驚叫。今亦駭起。明旦入白于督學。謂必大魁之兆。時所編者。吳庠卷與焉。府中王徐高三公同夢。龍起翔于天衢。至明各會。語相同。大異之。及冬。吳士夢報捷者至。人爭叩之。彼且馳且答云。狀元會元。皆有除夕。指揮劉世統。夢新狀元徐時行也。先余有丁。嘗夢登杜正榜進士。既第。榜首非杜。及時行入領。賜袍笏。與之者。內臣杜正是夢亦淵且巧矣。公後復姓申。晉首相。

諱應期。字伯祜。號屏麓。浙江烏程縣人。嘉靖四十四年乙丑廷試第一。嘗夜宿杭之地名大菰。夢觀會試錄。有人曰。狀元者。良山范崙。乃機坊中人也。既聞狀元為應期。細釋之。知范公之兆乎。易曰。艮止也。止于山。屏麓也。范既范而崙亦同。特隱屏麓于崙耳。且湖地多絲。而夢于杭之大菰。所謂機坊中人。得非大魁湖州烏程之應乎。天之機。敏而著。類如此。公將會試。偕一舉人兄禮房吏吏。懼迎曰。昨夢狀元至吾家。二公必居一矣。范果大魁。會試至張秋。水雪載塗。將從陸。夜夢一躍登車。有一長人授之以鞭。乃手兼。

夢林玄解

卷三十四

三

車。前車行如飛。若將入雲。忽二吏跪報曰。玉殿已舉目見殿宇門鐐金書三大字。既傳臆。恍若夢中所見。

羅狀元第一進士

諱萬化。字一甫。號康洲。浙江會稽縣人。隆慶二年。戊辰廷試第一。羅公嘗止北新關。有戶部主事某。夢第一。名進士來訪。明日。羅偶謁主政。主政未悟所夢。相見。亦如常禮。羅公明年傳臆。第一主政始悟曰。去年夢應矣。會試夢一老人。白衣青巾。從浮橋下近其舟。揭去舟上會試封條。易以第一甲第一。名數字。後果云。

張狀元羅丞相遺

諱元仲。字子蓋。號陽和。浙江山陰縣人。隆慶五年。辛未廷試第一。父天復。行太僕寺卿。所居與羅萬化同巷。嘗夢携其扁于家。會試時。祖塋有聲三日。往視。得金芝六莖。是科劉珵。夢人以羅衣遺之。曰。此第二服。

也已有人先服矣。果讓張居首時年三十四。

孫狀元唐皋至家

諱繼皋字以德號柏潭直隸無錫人。始生時父夢前甲戌狀元唐皋至其家遂名繼皋年二十六亦以甲戌冠天下其相符亦奇矣。

沈狀元祖與一聯

諱懋寧字君與號少林直隸宣城人。萬曆五年丁丑廷試第一。公夢父大叅公與一聯云。度其始必厚其終。循其名當資其寔及廷對策冒中用此語是時聖上閱此顧謂輔臣曰。此二語即可作狀元遂首擢之時年四十四。

朱狀元策馬更前

諱國祚字兆隆號養淳浙江秀水人。萬曆十一年癸未廷試第一。公嘗夢有雙頭人騎馬而前公以爲

乃急策已所乘馬而更前之。是科後公一步者。本
 廷機也。李公鄉會試皆元。應雙頭人之夢。夢更前之
 者。應公登狀元也。廷試後。李公廷機夢削髮為僧。投
 一僧。結為師兄。問其姓。曰朱。聞語無髮為元。李公心
 疑狀元有屬矣。臚唱畢。牛公第一。公是年二十五。鄉
 會聯捷。及第。年四十。陞禮部侍郎。今吏部侍郎。陞禮
 部尚書。
 入內閣。

唐狀元金花滿身

諱文獻字元。號號抑所。直隸華亭人。萬曆十四年丙
 戌廷試第一。父進士。好施予。自少有深沉之資。十五
 歲入泮。雅量篤學。善屬文。夢中順天試。遂發奮入國
 學。愈。已好脩。常夢月中金花燦爛。頃之滿身。又夢
 龍浴于室。有敕文。夢告云。余卷已。
 人慈寧宮。奈何。首唱年三十八。

焦狀元神告羽客

諱法字弱侯。號滿園。應天旗手衛人。萬曆十七年已
 丑廷試第一。少負大志。奇才每試輒冠。多士。督學。聘

公倡明道學。公從之。聞道甚蚤。嘗稱此生宿學懿行。當魁海內。未第時。館閣諸公。慕其名行。皆重之。赴會試。寓燕市。祖師廟。道士夢神告云。廟中有大狀頭相公。是科果首習。是年五十一。

翁狀元以娣元吉

諱正。字兆震。號青陽。福建懷安人。萬曆二十年壬辰。廷試第一。公父任廷平教職。元旦。夢人贈彩帳。其上書以娣元吉四字。郡守周解曰。以娣。乃易帝乙歸妹爻辭。元吉。爲狀元吉兆。郎君首唱。奚疑是科內閣取進御第一洪啓濬也。未唱第。洪夢清源山神與五虎山神戰。不勝。聖上竟以翁易洪。而寘洪二甲第一。一夢之驗如此。

朱狀元神贈詩聯

諱之蕃。字元介。號蘭嶠。直隸錦衣衛人。萬曆二十三年乙未。廷試第一。父夢東方朔送一大桃而生。屢試必先嘗夢神贈聯。光騰劍鏑三千丈。風送鶯聲十二樓。扶筇詩蛟龍吞海日。舞鳳出岐山。萬里長安片。

千爾獨先未第時讀書于寧國寺忽見齋中紅
 有題云萬方寶曆開八運一躍金鱗奮九天其事
 奇甲午領薦應天乙未會試廷試第一則乙未狀元
 一躍金鱗者龍頭之兆也乙未屬金之年也時年三
 十五

張狀元走馬看花

諱以誠字君一號瀛海直隸清浦人萬曆二十九年
 辛丑廷試第一嘗讀書雲間精舍夢身騎金牛有空
 中人呼曰長安表渴下走馬看花歸蓋金牛乃兆辛
 丑狀頭也至京會試夢一角獸觸已已跨而上是科
 許繼會元
 已為狀元

楊狀元袁遜上座

諱守勤字克之號昆阜浙江慈溪人萬曆三十二年
 甲辰廷試第一每試首選丁酉春夢元峰袁公招飲
 經會元及第得坊頂上過抵袁宅避之上座袁前丁
 酉狀元第二公後丁酉第三將謂不驗今招殿元視

村公探花果高出其布矣甲辰場前一日自夢舉聯
元可袍置酒為賀盡醉而罷及入場詳甚試日熟睡
不醒夢有人推曰君可脫裝矣覺足下踏
著一卷春秋蓋二名書史也盡符其夢

黃狀元高帝首用

韓士儔號象南廣東順德人萬曆三十五年丁未廷
試第一登歲入洋督學部尚志公羨其文且貴其品
每以六老期之年二十七領鄉薦赴京會試途中聞
及有為嘆曰惡得急功名而緩吾足哉遂連歸丙午
冬北上將至京夢入殿庭拜高皇帝帝曰
汝來耶今若用汝矣及廷試條封稱旨卷字精楷
擢第一其夢果
驗將年三十一

韓狀元日月兩圓

韓制字求仲號上解浙江歸安人萬曆三十八年庚
戌廷試第一公初娠時太夫人夢日入室覺猶晃然
父司卿公夢日月入懷而產公蓋日月兩圓即兩
之兆公也穎敏過人讀書十行俱下性洒落不

產里中或曰極之不屑也。癸卯冬過廣德。一友曰。夢張陽和公至。詰朗公款門矣。已酉北雍舉秋。魁京華。問卿公夢一羽衣捧若璽書者來。謂曰。而有大德三。姑以此舉償其一。庚歲更償其二。當有加焉。果聯極。

周狀元池中島集

薛廷簡字玉綱號挹齋直隸宜興人萬曆四十二年癸丑廷試第一公祖太廟公夢家中開大池池中百鳥會集門前豎大牌坊上武魁二大金宅遂乳名武人曰武者大也果武六魁既而又夢徐文靖公語云第一令郎宜教之謙抑如何余前走徐中楠眼在前即狀元矣遂定號曰抑齋以文靖號謙齋故也中舉北上寓浦口陳店一房素有邪祟卧不安寢聞有聲云會元狀元在此不可驚聞而久夢臂生兩翼飛到嵩華絕頂空中兩元父即兩元也未中元時常夢出遊前擺瓜鉞金燈遂應公又臨塲夢開帝選賀禮禮金曰朕金甚古有玉殿傳金榜君恩賜狀頭之句應夢殿金二字即殿元之兆也廷登曰余分枝

禮聞洪漢孫公知貢舉將放榜之久公坐假寐忽苦
有言者荆川先生在傍視之見錄者而幡東立者荆
川也驚寤而榜適填第一則周玉繩也荆川年少以
前戊子舉南畿已丑會元玉繩亦年少子丑魁天下
其後身耶

錢狀元事業鼎中

諱山川字抑之號御江浙江嘉善人萬曆四十四年
丙辰廷試第一公父元夢宋狀元張九成至其家而
公初生時背上隱隱現一元字公未第之先至神廟
對廟祈夢夢見神帝以香鼎與之曰汝事業在此
鼎中其太夫夫與夫人家居晚間兄空中有火成拜
自上而下墜天井中久之亦散人謂祥光煥發謂
台鼎之兆丙辰劉公典南官試先期夢上以金牌持
召之視其朱書則昔戊戌所首拔錢某也意必中
魁而榜揭僅首龍腹深嘆息之比臚
傳首天下始應其夢并應前二夢云

莊狀元二珠光耀

諱際，字景悅，號美若，福建泉州府永春人。萬曆十七年己未廷試第一。公母嘗夢神龍吐二珠以元第，光耀而後晦。如是者三，吞而孕公。鄉試第九，會殿試俱第一。其廷對因補數字，當路有言，故脩省三年。二珠，卽脩之二元之兆。復晦，卽脩之之兆也。

文狀元信國面談

諱震孟，字文起，號涪村，南直長洲人。天啓二年壬戌廷試第一。早負才望，作字甚工，不讓鍾山。公筆力，聞公居京時，嘗上與山先生面語，遂與公出。其時，以天生人龍亦一之佑起耳。文山公當宋運將頽之時，未免大用。我明中興之會，可護後裔，大展徽猷，以致太平之治。此

夢林玄解卷之三十四

終